



Tužilaštvo - Tužiteljstvo Bosne i Hercegovine
Тужилаштво Босне и Херцеговине

Broj: A-32-4-1/25

Datum: 07.02.2025. godine

Na osnovu člana 69. i 70. Zakona o javnim nabavkama Bosne i Hercegovine („Službeni glasnik BiH“ broj: 39/14, 59/22 i 50/24) i člana 30. Pravilnika o javnim nabavkama roba, usluga i radova Tužilaštva BiH broj: A-200/24 od 16.05.2024. godine, glavni tužilac Tužilaštva – Tužiteljstva BiH donosi

ODLUKU O
PONIŠTENJU POSTUPKA JAVNE NABAVKE

Član 1.

(Predmet odluke)

Poništava se postupak javne nabavke za LOT 1 - Usluge oglašavanja u dnevnim novinama za potrebe Tužilaštva BiH čije je sjedište u Sarajevu.

Član 2.

(Razlog poništenja)

Predmetni postupak se poništava budući da ponuda ponuđača Avaz - roto press d.o.o. Sarajevo nije u skladu sa uslovima traženim Zahtjevom/TD.

Član 3.

(Stupanje na snagu)

Ova odluka stupa na snagu danom donošenja.

Obrazloženje

Postupak javne nabavke pokrenut je Odlukom o pokretanju postupka javne nabavke broj: A-32/25 od 22.01.2025. godine. Javna nabavka je provedena putem konkurentskog zahtjeva za dostavu ponuda. Procijenjena vrijednost nabavke za LOT 1 iznosila je 10.000,00 KM bez PDV-a.

Obavještenje o nabavci je objavljeno na web portalu: <https://ejn.gov.ba/>, broj obavještenja: 435-7-2-2-3-3/25 od 23.01.2025. godine. Obavještenje o nabavci je objavljeno i u Službenom glasniku BiH. Do krajnjeg roka za dostavu ponuda, na protokol Tužilaštva – Tužiteljstva BiH zaprimljena je jedna uredno zapečaćena i neotvorena ponuda za LOT 1, ponuđača Avaz - roto press d.o.o. Sarajevo.

Na osnovu Odluke o imenovanju Komisije za provođenje postupaka javnih nabavki Tužilaštva BiH za 2025. godinu, broj: A-463/24 od 13.12.2024. godine članovi Komisije (u daljem tekstu: Komisija) izvršili su pregled i ocjenu ponude i utvrdili su sljedeće:

Ponuda ponuđača Avaz - roto press d.o.o. Sarajevo nije u skladu sa uslovima traženim Zahtjevom/TD, te se dostavljena ponuda smatra nepravilnom. Naime, izjava koja je tražena tačkom 3.4.2. Tenderske dokumentacije, a koju je ponuđač Avaz - roto press d.o.o. Sarajevo dostavio u svojoj ponudi nije dostavljena

na način koji je tražen Zahtjevom. Prema tački 3.4.2. Tenderske dokumentacije ponuđač je dužan uz ponudu dostaviti izjavu kojom se dokazuje da dnevni tiraž novina nije manji od 8.000 brojeva i da su novine dostupne na cijelom području BiH, međutim, ponuđač Avaz - roto press d.o.o. Sarajevo je dostavio izjavu kojom izjavljuje da ima prosječan broj dnevnih primjeraka u minimalnom dnevnom iznosu od 7.500 komada.

Obzirom da je ponuđač Avaz - roto press d.o.o. Sarajevo jedini dostavio ponudu u predmetnom postupku za LOT 1, shodno odredbi člana 69. stav 2. tačka d) Zakona o javnim nabavkama, članovi Komisije predlažu glavnom tužiocu Tužilaštva – Tužiteljstva BiH, donošenje Odluke o poništenju postupka javne nabavke za LOT 1.

Uzimajući u obzir navedeno, odlučeno je kao u dispozitivu odluke.

Pouka o pravnom lijeku:

Žalba se izjavljuje Uredu za razmatranje žalbi Bosne i Hercegovine putem Tužilaštva - Tužiteljstva Bosne i Hercegovine u pisanoj formi u tri primjerka neposredno, elektronskim putem ili preporučenom poštanskom pošiljkom u roku od pet dana od dana prijema ove odluke.

Dostavljeno:

- Ponuđaču;
- Odjelu za mat.-fin. poslove.

